



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption and Quality Control Office

Broj: 20-04-12553-15/20
Sarajevo, 28.05.2020. godine

KABINET PREDSJEDAVALJUĆEG SKS
n/r Predsjedavajućeg SKS

PREDMET: Informacija u vezi sa zastupničkim pitanjem u Skupštini Kantona Sarajevo, zastupnika **Senada Hasanovića**

Zastupnik u Skupštini Kantona Sarajevo, Senad Hasanovića, na 25 Radnoj sjednici Skupštine Kantona Sarajevo, održanoj dana 18.05.2020. godine, u okviru tačke Dnevnog reda "Poslanička/zastupnička pitanja, inicijative i odgovori", postavio je zastupničko pitanje koje glasi: "Da li Ured za borbu protiv korupcije i upravljanje kvalitetom Kantona Sarajevo poduzima ili je poduzimao aktivnosti iz svoje nadležnosti, a u vezi sa posljednjom nabavkom 14 trolejbusa za potrebe KJKP GRAS Sarajevo"?

U vezi sa navedenim zastupničkim pitanjem, informišemo Vas u nastavku teksta kako slijedi.

Ured za borbu protiv korupcije i upravljanje kvalitetom Kantona Sarajevo (u daljem tekstu: Ured) je dana 05.02.2020. godine, zaprimio Zahtjev broj: 04-23-2617/20 od 03.02.2020. godine, Ministarstva saobraćaja Kantona Sarajevo za formiranje komisije koja će izvršiti ispitivanje zakonitosti javnih nabavki u KJKP "Gradski saobraćaj" d.o.o. Sarajevo.

Dana 13.02.2020. godine, Ured je aktom broj:20-04-3147-2/20 od 13.02.2020. godine, od KJKP "Gradski saobraćaj" d.o.o. Sarajevo zatražio dostavljanje slijedećih podataka i dokumentacije:

1. Plan javnih nabavki za 2019. godinu, uključujući i eventualne rebalanse, kao i
2. Tabela prikaz svih realizovanih javnih nabavki u 2019. i 2020. godini (uključujući sve vrste postupaka), koji se odnose na nabavku roba u vrijednosti većoj od 50.000,00 KM, sa podacima o opisu i vrijednosti robe, izabranom ponuđaču i realizaciji plaćanja (za svaku realizovanu javnu nabavku roba kopiju Ugovora).



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-217,
Sarajevo, Reisa Džemaludina Čauševića 1



Postupajući po ranije navedenom aktu Ureda, KJKP "Gradski saobraćaj" d.o.o. Sarajevo je dana 21.02.2020. godine, u prilogu akta 3259 od 21.02.2020. godine dostavilo dokumentaciju Uredu.

Šef Ureda je 26.02.2020. godine donio Rješenje o imenovanju Komisije za preispitivanje zakonitosti provedenih javnih nabavki u KJKP "Gradski saobraćaj" d.o.o. Sarajevo broj: 20-04-5519/20 od 26.02.2020. godine, a koju čine predstavnici/zaposlenici slijedećih organa državne službe:

1. Predstavnik Ministarstva unutrašnjih poslova Kantona Sarajevo, Uprave policije,
2. Predstavnik Ministarstva finansija Kantona Sarajevo, Budžetskog inspektorata,
3. Predstavnik Ministarstva saobraćaja Kantona Sarajevo,
4. Predstavnik Stručne službe za zajedničke poslove Kantona Sarajevo, i
5. Predstavnik Ureda za borbu protiv korupcije i upravljanje kvalitetom Kantona Sarajevo.

Na prvoj sjednici, održanoj 26.02.2020. godine, Komisija za preispitivanje zakonitosti provedenih javnih nabavki u KJKP "Gradski saobraćaj" d.o.o. Sarajevo (u daljem tekstu: Komisija), pregledala je dostavljenu dokumentaciju iz KJKP "Gradski saobraćaj" d.o.o. Sarajevo, te konstatovala da je pored dostavljene dokumentacije potrebno da se od predmetnog Preduzeća zatraži i dostavljanje dodatne dokumentacije, a sve u cilju što potpunijeg uvida u provedene nabavke od strane ovog Preduzeća.

Komisija je predložila šefu Ureda da uputi akt Ministarstvu saobraćaja Kantona Sarajevo u kojem će se tražiti informacija od Ministarstva o iznosu doznačenih sredstava po svim osnovama KJKP "Gradski saobraćaj" d.o.o. Sarajevo iz Budžeta Kantona Sarajevo u 2018., 2019. i 2020. godini, kao i utrošku istih, a što treba da sadrži podatke i dokumentaciju o iznosu tekućih i kapitalnih transfera po stavkama, po kom osnovu su doznačene pojedinačne uplate i izvještaj o pravdanju utroška doznačenih sredstava za navedeno Preduzeće.

Postupajući po prijedlogu Komisije, dana 27.02.2020. godine, šef Ureda je aktom broj: 20-04-3147-5/20 od 27.02.2020. godine zatražio od Ministarstva saobraćaja Kantona Sarajevo dostavljanje ranije navedene informacije.

Dana 27.02.2020. godine, Ured je uputio akt broj: 20-04-3147-6/20 od 27.02.2020. godine, KJKP "Gradski saobraćaj" d.o.o. Sarajevo u kojem je zatraženo dostavljanje dodatne dokumentacije (Rješenje o imenovanju Komisije za provedbu postupka javne nabavke, Poslovnik o radu Komisije, Izjave o nepristrasnosti članova Komisije, Dokazi o izvršenom istraživanju tržišta - ukoliko je vršeno istraživanje tržišta, Odluku o pokretanju postupka javne nabavke, Obavještenje o nabavci, Sažetak obavještenja o nabavci iz "Službenog glasnika BiH", Tendersku dokumentaciju i sve njene izmjene, "Pitanja i odgovori" - ukoliko je bilo postavljenih pitanja na portalu E-nabavke, Zapisnik o zaprimanju ponuda, Zapisnik sa otvaranja ponuda, Zapisnik Komisije o pregledu i ocjeni ponuda, Kopija ponude izabranog ponuđača, Odluku o izboru najpovoljnijeg ponuđača/Odluku o poništenju postupka, Obavještenje ponuđačima o rezultatima postupka javne nabavke, Žalbeni postupak - ukoliko je bilo izjavljenih žalbi, kopije žalbi i svih drugih dokumenata u žalbenom postupku (Odluka o obustavi, Rješenje, Izjašnjenje itd.), Obavještenje o dodjeli ugovora/o poništenju postupka, Sažetak obavještenja o dodjeli ugovora/poništenju postupka iz "Službenog glasnika BiH", Izvještaj o provedenom postupku javne nabavke, kao i ostalu relevantnu dokumentaciju - ukoliko



web: <http://vlada.ks.gov.ba>

e-mail: uk@uk.ks.gov.ba

Tel: + 387 (0) 33 562-277,

Fax: + 387 (0) 33 562-217,

Sarajevo, Reisa Džemaludina Čauševića 1



nešto nije navedeno, a predmetno Preduzeće smatra da je važno) vezano za nabavke roba u vrijednosti većoj od 50.000,00 KM.

Ministarstvo saobraćaja Kantona Sarajevo dostavilo je Uredu traženu informaciju, dana 03.03.2020. godine, u prilogu aktu broj: 14-04-3147-5/20 od 03.03.2020. godine, dok je KJKP „Gradski saobraćaj“ d.o.o. Sarajevo, dostavilo traženu dopunu dokumentacije dana, 22.04.2020. godine, u prilogu akta broj: 5432 od 20.04.2020. godine.

Napominjemo da je Ured zaprimio više od nekoliko hiljada stranica dokumentacije, te da Komisija vrši pregledavanje iste, nakon čega će biti sačinjen izvještaj o radu Komisije u predmetu KJKP „Gradski saobraćaj“ d.o.o. Sarajevo, a o kojem će Ured u narednom periodu upoznati sve relevantne institucije.

S poštovanjem

ŠEF UREDA

Erduan Kafedžić

Dostaviti:

- Naslovu
- Stručna služba Vlade
- a/a



web: <http://vlada.ks.gov.ba>
e-mail: uk@uk.ks.gov.ba
Tel: + 387 (0) 33 562-277,
Fax: + 387 (0) 33 562-217,
Sarajevo, Reisa Džemaludina Čauševića 1

